

PWYLLGOR:	IS - BWYLLGOR TRWYDDEDU CANOLOG
DYDDIAD:	11fed o Dachwedd 2024
TEITL:	CAIS AM DRWYDDED EIDDO – CLWB RYGBI Y BALA, MAES GWYNIAD, HEOL TEGID, BALA LL23 7DZ
PWRPAS:	ER PENDERFYNIAD
AWDUR:	PENNAETH AMGYLCHEDD

1. CAIS A DDERBYNIWYD

- 1.1 Atodir cais am drwydded eiddo ar gyfer Clwb Rygbi Y Bala, Maes Gwyniad, Heol Tegid, Bala LL23 7DZ sydd wedi ei gyflwyno gan y clwb. Clwb yn cynnwys ystafelloedd newid, cegin as ystafell gyffredinol wedi ei leoli ar gyrion tref Y Bala. Y bwriad yw gallu gwerthu alcohol yn ystod gemau drwy'r tymor rygbi rhwng mis Medi a Mai hefo y mwyafrif o ddefnydd ar y penwythnos.
- 1.2 Mae'r ymgeisydd yn ceisio am drwydded eiddo i: Werthu alcohol (ar yr eiddo) o 09:00 – 23:00, o ddydd Llun i Sul.
- 1.3 Mae swyddogion yr Awdurdod Trwyddedu yn fodlon fod tystiolaeth ddigonol fod y cais wedi ei gyflwyno yn unol â gofynion y Ddeddf Drwyddedu 2003 a'r rheoliadau perthnasol ac felly yn ddilys.
- 1.4 Fe dderbyniwyd sylwadau ar y cais ac felly mae wedi ei gyfeirio i wrandawriad o'r Is Bwyllgor hwn am benderfyniad.

Gweler y tabl amgaeedig am fanylion yr oriau arfaethedig:

Trwydded Arfaethedig/Proposed Licence
<p>Cyflenwi Alcohol/Supply of Alcohol: Ar yr Eiddo :: On the Premises</p> <p>Dydd Sul/Sunday: 09:00 - 23:00 Dydd Llun/Monday: 09:00 – 23:00 Dydd Mawrth/Tuesday: 09:00 – 23:00 Dydd Mercher/Wednesday: 09:00 – 23:00 Dydd Iau/Thursday: 09:00 – 23:00 Dydd Gwener/Friday: 09:00 – 23:00 Dydd Sadwrn/Saturday: 09:00 – 23:00</p>

2. Mesurau a argymhellir gan yr ymgeisydd i hyrwyddo'r amcanion trwyddedu

Mae'r mesurau a argymhellir gan yr ymgeisydd yn atodlen weithredol y cais yn cynnwys y canlynol –

- Hyrwyddo defnydd cyfrifol o alcohol a bod cwsmeriaid yn gadael yr adeilad yn barchus.
- Delio yn syth gydag unrhyw ymddygiad anghymdeithasol.
- Polisi her 25 mewn lle

- Dim goddefiant tuag at ddefnydd o gyffuriau.
- Dim goddefiant tuag at ymddygiad bygythiol a throreddol.
- Aseidiadau risg wedi eu cwblhau a'u adolygu yn rheolaidd gan gynnwys risg tan.
- Cadw drysau a ffenestri ar gau pan fo'n bosibl i leihau sŵn.

Gweler manylion llawn y mesurau a argymhellir yn rhan M y cais a welir yn yr atodiad .

3. YMGYNGHORIAD

Fe ymgynghorwyd ar y cais, ac fe dderbyniwyd ymatebion fel a ganlyn -

YMATEBION	SYLWADAU
Heddlu Gogledd Cymru	Dim gwrthwynebiad - Sylwadau
Gwasanaeth Tan	Dim gwrthwynebiad
Tîm Bwyd, Gwarchod y Cyhoedd	Dim gwrthwynebiad
Gwasanaeth Llygredd Gwarchod y Cyhoedd	Dim gwrthwynebiad
Gwasanaeth Cynllunio	Dim gwrthwynebiad
Cynghorwr Dilwyn Morgan	Dim gwrthwynebiad
Aelodau o'r cyhoedd	14 o wrthwynebiadau
Cyngor Tref Y Bala	Cefnogi hefo amodau

Sylwadau Cyngor Tref Y Bala

- 3.1 Mi drafodwyd yn cais am drwydded eiddo i'r Clwb Rygbi mewn cyfarfod o'r Cyngor Tref. Roedd rhai yn bryderus am effaith y datblygiad ar drigolion Glannau Tegid a Threm y Ffridd, sydd wedi eu lleoli yn agos at y Clwb Rygbi.
- 3.2 Penderfyniad terfynol Y Cyngor Tref oedd i gefnogi'r cais yn amodol ar addasu'r oriau a ganiateir, ac argymhelliad y cyngor oedd y dylai'r oriau gael eu cyfyngu i 1pm – 9pm.

4 Sylwadau'r Cyhoedd

- 4.1 Mae pryder mawr y bydd caniatáu y clwb i werthu alcohol yn creu ymddygiadau gwrth-gymdeithasol yn yr ardal.
- 4.2 Pryderon am aflonyddwch oherwydd cerbydau yn mynd a dod bob awr o'r diwrnod a cwsmeriaid yn mynd a dod o'r clwb.
- 4.3 Mae problemau parcio yn bodoli pa fo gweithgareddau ymlaen yn y clwb yn barod. Poeni y bydd y problem yma yn cynyddu os fydd pobl yn aros yno yn hwyrach. .
- 4.4 Mae'r clwb wedi ei leoli yn agos at Lyn Tegid a'r rheilffordd arfaethedig, sydd yn codi pryderon dros diogelwch y cyhoedd os ydynt yn cerdded adref yn feddwol.
- 4.5 Pryderon y bydd cynyddiad mewn achosion o fandaleiddio eiddo cyfagos i'r clwb.

5 Sylwadau'r Heddlu

5.1 Mae'r safle hon wedi gweithredu gwerthu alcohol drwy defnyddio Rhybudd Digwyddiad Dros Dro ar sawl achlysur heb beri pryder.

5.2 Nid oes unrhyw ddigwyddiad o Drosedd ac Anrhefn yn gysylltiedig a'r safle hwn felly ar ran Heddlu Gogledd Cymru rwy'n falch i ddweud nad oes gennym

Yn unol a'r Deddf Drwyddedu 2003, argymhellir fod y Pwyllgor yn ystyried sylwadau yr ymatebwyr, ac ymateb yr ymgeisydd i'r pryderon – ac yn caniatáu'r cais.

- **Ni dderbyniwyd cwynion gan yr Awdurdod Trwyddedu nac Uned Gwarchod y Cyhoedd yn dilyn sawl digwyddiad a ganiateir yn defnyddio Hysbysiadau Digwyddiadau Dros Dro .**